

Papiamento den Bon Dia

Ernesto E. Rosenstand



PENSAMENTO DI UN PENSAMENTO

**Nos pensamento pa awe ta un di Albert Einstein.
Einstein tabata un fisico Mericano di origen Aleman.
El a yega di bisa**

UN ANOCHI DEN CUA TUR HENDE TA DI ACUERDO CU OTRO TA UN ANOCHI PERDI.

**Esei ta berdad.
Den reunionnan sa tin discusion.
Esei mes ta haci e reunionnan interesante.
Si tur hende ta di acuerdo cu otro , anto cos a caba.
Di kico ta bai sigui papia.
Pues esei ta haci cu e anochi ta perdi.**

UN ANOCHI DEN CUA TUR HENDE TA DI ACUERDO CU OTRO TA UN ANOCHI PERDI.

EXPRESIONAN

**Den tur idioma nos tin expresionnan.
Esakinan ta mara na e cultura di e pueblo.
Nos lo trece pa boso algun di nos expresionnan.
Nos epresion pa awe ta:**

BULA CU HALA DI MANTECA

E ta nifica:

HACI COS IMPOSIBEL

Ban usa mas expresion den nos idioma.

UNDA E FALTA...

**BAN USA CORECTAMENTE NOS IDIOMA
Den e frase aki tin un falta**

SINDICATO A HACI PRESION.

UNDA E FALTA TA?

**E falta ta cometi contra uso di un verbo.
Cu e palabra presion nos no ta usa haci, ma PONE.
E frase corecto lo mester a bira:**

SINDICATO A PONE PRESION.

Ban pone mas atencion riba uso di nos idioma

USO INTERESANTE

PLUMA

Parti di un parha

Den nos idioma nos ta duna palabranan otro nificacion.

LADRONNAN A PLUMA E AUTO

Loke kier men:

LADRONNAN A BAI CU TUR COS DI E AUTO.

Ban usa corectamente nos idioma

SINONIMONAN

**Den tur idioma tin palabranan cu e mes nificacion.
Nan ta sinonimo di otro.
Purba usa mas tanto sinonimo posibel.
Esei ta enrikece nos idioma.**

Nos palabra pa awe ta

GUTS – CURASHI